

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo za boračka pitanja
T U Z L A

Broj: 15/1-04-001264-1/26
Tuzla, 20.02.2026. godine

Na osnovu člana 69. stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), te prijedloga Konkursne komisije za provođenje Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ utvrđenog u Zapisniku, broj: 15-04-001264-26 od 12.02.2026.godine, Ministrica za boračka pitanja donosi

ODLUKU

o poništenju i ponovnom pokretanju postupka javne nabavke za izradu idejnog rješenja

Član 1.

Poništava se postupak javne nabavke usluga za izradu idejnog rješenja „Spomen parka sa spomen obilježjem 2. Korpusu Armije Republike Bosne i Hercegovine“ pokrenut objavljivanjem Konkurs za izradu idejnog rješenja na Portalu javnih nabavki dana 22.01.2026. godine, Obavještenjem o nabavci, broj: 1015-6-2-4-3-16/26, iz razloga su dostavljene ponude nepravilne.

Član 2.

Nalaže se Konkursnoj komisiji za provođenje Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, da ponovo pokrene postupak javne nabavke za izradu idejnog rješenja.

Član 3.

Ova Odluka će se objaviti na službenoj web stranici Ministarstva za boračka pitanja Tuzlanskog kantona.

Član 4.

Postupak poništavanja i ponovnog pokretanja javne nabavke će se provesti u skladu sa Zakonom o javnim nabavkama i podzakonskim aktima.

Član 5.

Odluka stupa na snagu danom donošenja.

Obrazloženje

Postupak javne nabavke proveden je putem konkursa za izradu idejnog rješenja, a pokrenut je na osnovu Odluke o pokretanju postupka javne nabavke, broj: 15/1-04-001264/26 od 21.01.2026. godine. Konkursna komisija za provođenje Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, imenovane Odlukom Vlade Tuzlanskog kantona, broj: 02/1-19-20967-2/25 od 23.09.2025. godine i broj: 02/1-19-20967-3/25 od 11.11.2025.godine (u daljem tekstu: Konkursna komisija) je na osnovu Obavještenja o nabavci, broj: 1015-6-2-4-3-16/26 objavljenog na Portalu javnih nabavki

dana, 22.01.2026. godine, u "Službenom glasniku Bosne i Hercegovine", broj: 5/26 od 23.01.2026.godine i Javnog konkursa za izradu idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ objavljenog na web stranici Ministarstva za boračka pitanja, dana, 22.01.2026.godine provela postupak javne nabavke usluga putem konkursa za izradu idejnog rješenja.

Zapisnikom, broj: 15-04-001264-26 od 12.02.2026. godine, Konkursna komisija konstatovala je da su blagovremeno pristige tri prijave po Javnom konkursu za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ (u daljem tekstu: Javni konkurs), i to:

- Prijava pod šifrom AEB382 zaprimljena 09.02.2026.godine u 11:15 sati
- Prijava pod šifrom SEA419, zaprimljena 10.02.2026.godine u 08:50 sati i
- Prijava pod šifrom ASN485, zaprimljena 10.02.2026.godine u 09:01 sati.

Konkursna komisija je utvrdila da konkursni rad dostavljen pod šifrom AEB382 ne ispunjava u cijelosti uslove predviđene tačkom 1.8.(Zadatak konkursa) i tačkom 1.9. (Dostava materijala) Tenderske dokumentacije Konkursa za izradu idejnog rješenja za izgradnju spomen obilježja Spomen park sa spomen obilježjem 2. Korpusu Armije Republike Bosne i Hercegovine, broj: 15/1-04-00126/25 od 22.01.2026. godine (u daljem tekstu: Tenderska dokumentacija) iz sljedećih razloga:

- pismeno obrazloženje idejnog rješenja ne sadrži dio koji se odnosi na opis dimenzija spomen obilježja u prostoru,
- prezentacija idejnog rješenja ne sadrži karakteristične presjeke koji treba da pokažu način materijalizacije jako visokih panela izrađenih od INOX-a, a što bi se vidjelo u potrebnim detaljima koji nisu prezentirani i
- kada je u pitanju pozicija parking (strana 22. Konkursnog rada), tačkom 1.8. Tenderske dokumentacije nije predviđeno mjesto za parking, citiramo: "Imajući u vidu da bi postojeći improvizirani parkinzi koji su zauzeli parkovski prostor, znatno degradirali rješenje spomen parka sa spomen obilježjem, predviđenim rješenjem planirati uklanjanje istih i ponovno ozelenjavanje (revitalizaciju) ovog dijela parka."

Konkursna komisija je utvrdila da konkursni rad dostavljen pod šifrom SEA419 ne ispunjava uslove predviđene tačkom 1.8. (Zadatak konkursa) Tenderske dokumentacije, a u vezi sa tačkom 1.3.1. Projektnog zadatka Izradu idejnog rješenja za izgradnju spomen obilježja Spomen park sa spomen obilježjem 2. Korpusu Armije Republike Bosne i Hercegovine, broj: 15/1-19-020967-1/25 od 21.01.2026.godine (u daljem tekstu: Projektni zadatak) iz sljedećih razloga:

- 3D vizualizacije ne prikazuju ideju opisanog spomen obilježja u dijelu koji se tiče hortikulturalnog uređenja prostora (park-šuma).

- Konkursni rad ne zadovoljava uslove Projektnog zadatka, iz tačke 1.3.1. Urbanističko-arhitektonsko rješenje prostorne cjeline kojim je propisano da se citiramo: "Glavni spomenik se treba nalaziti u centralnom dijelu parka (centralni dio površine označene u grafičkim prilogima 2 i 3), sa omogućenom vizualizacijom sa svih strana."

Predloženo idejno rješenje ne ispunjava ovaj uslov jer se ne omogućava vizualizacija sa svih strana zbog prevelikog broja betonskih zidova koji predstavljaju vizuelnu barijeru, pozicije spomen obilježja, kao i formiranja park šume. Spomen obilježje pozicionirano je vrlo blizu postojećem objektu Rudarsko-geološkog fakulteta što nije centralna pozicija u prostoru.

Konkursna komisija je utvrdila da konkursni rad dostavljen pod šifrom ASN485 ne ispunjava uslove predviđene tačkom 1.9. (Dostava materijala) Tenderske dokumentacije iz razloga:

- pismeno obrazloženje idejnog rješenja ne sadrži dio koji se odnosi na opis dimenzija spomen obilježja u prostoru.

Konkursna komisija je dana, 19.02.2026. godine izvršila otvaranje koverti „Autor“ i konstatovala da su svi autori dostavili zahtijevane kvalifikacione i identifikacione dokumente. Prema šiframa izvršeno je povezivanje autora sa konkursnim radovima i to kako slijedi:

Redni broj	Šifra konkursnog rada	Podaci o autoru
1	AEB382	Edina Selesković
2	SEA419	„4.o arhitektura“ d.o.o. Tuzla
3	ASN485	Nusret Lukač

Konkursna komisija je u Zapisniku, broj: 15-04-001264-26 od 12.02.2026.godine, predložila da se konkurs poništi i ponovo pokrene postupak javne nabavke za izradu idejnog rješenja, obzirom da pristigi konkursni radovi, nisu ispunili uslove predviđene Tenderskom dokumentacijom i priloženim Projektnim zadatkom.

Na temelju utvrđenog činjeničnog stanja, odlučeno je kao u članu 1. i članu 2. ove Odluke.

POUKA O PRAVNOM LIJEKU: Protiv ove Odluke ponuđač može da izjavi žalbu u roku od 10 dana od dana prijema iste u skladu sa članom 101. stav (1) tačka d) Zakona o javnim nabavkama. Žalba se podnosi Kancelariji za razmatranje žalbi Bosne i Hercegovine putem Ministarstva za boračka pitanja Tuzlanskog kantona, ul. Maršala Tita do broja 34, Tuzla, shodno odredbama člana 99. Zakona o javnim nabavkama.

DOSTAVLJENO:

3x Ponuđačima i
1 x a/a.

Ministrica
Senada Dizdarević, dipl. pravnik

